

Edizione diplomatico-interpretativa

	I
Foille ne flors ne valt riens anchantant. ke p(ar) de faus sont plait de flaboeir. (et) por dire sus sa vilai(n)ne gent. ke mains mals font m(u)lt souant desploeir ie ne chans pais por as anbanoeir. mais por mon cuer faire vn poc plus ioiant. cuns malades an garist bien souant. p(ar) un confort cant il ne puet maingier.	Foille ne flors ne valt riens an chantant ke par defaus, sont plait, de flaboeir et por dire sus sa vilainne gent ke mains mals font mult sovant desploeir Je ne chans pais por as anbanoeir, mais por mon cuer faire un poc plus joiant, c'uns malades an garist bien sovant par un confort, cant il ne puet maingier.
	II
Se ie li di dame ie uos ains tant elle dirait ie la voil angignier. (et) ie lains plus ke nule rien viuant. se donst deus lou sien cors anbrasier car cest la riens ke iains plus (et) tien chier. (et) se ian seus p(ar) iurs (et) esciant. om me douroit traîneir tout auant. (et) puis pandre plus halt ca vn clochier.	Se je li di: "Dame, je vos ains tant", elle dirait je la voil angignier, et je l'ains plus ke nule rien vivant, se donst Deus lou sien cors anbrasier! Car c'est la riens ke j'ains plus et tien chier, et, se j'an seus parjurs et esciant, om me dovroit traîneir tout avant et puis pandre plus halt c'a un clochier.
	III
Bien sai deuoir ma dame an emmet cent. (et) plus aseis. cest por moi corresier. (et) ie na pais ne cent ne har demant car anver li mosice derainier. il mi fat cuer ke mi douroit aidier. ne parolle datrui ni valt nia(n)t can fera ieu consilliez moi amant. li keils ualt miez ou p(ar)leir ou laissier	Bien sai de voir ma dame an emmet cent et plus aseis: c'est por moi corresier. Et je n'ai pais ne cent ne hardemant car anver li m'osice derainier. Il m'i fat cuer, ke mi dovroit aidier, ne parolle d'atrui n'i valt niant. Can fera je? Consilliez moi, amant! Li keils valt miez, ou parler ou laissier?
	IV
Ki voit uenir son anemin corrant. por traire ali grant siete dacier. bien se deuroit destorneir an fuant. (et) garantir cil peoit de]lacier[larchier mais cant plus vient amors amoi lancier. moins la redoute cest folie trop grans. casi resoit son cop antre la gent com ie fuise tous sous an (un) uer gier	Ki voit venir son anemin corrant, por traire a li grant siete d'acier, bien se devroit destorneir an fuant et garantir, c'il peoit, de l'archier, mais, cant plus vient amors a moi lancier moins la redoute, c'est folie trop grans, c'asi resoit son cop antre la gent, com je fuise tous sous an un vergier.

Source URL: <https://letteraturaeuropea.let.uniroma1.it/?q=laboratorio/edizione-diplomatico-interpretativa-2093>